





## Од трактористнэнь тевест

Машинно-тракторной мастерской састь од ломать. Здоровасть трактористнэнь марто ды варштасть перть-пельгаст. Сынэ аняк прядеть трактористнэнь курет ды тезэнь састь роботамо. Секс тенст интересна ульнесь содамс, кода тесэ организовазь трудось, кодамо ладсо анокстыть тунда видемантень.

Мастерскоенть куншкосо аштить колмо тракторт. Эрванть эйсэ витнить 5—6 ломать.

— Курок прядсынэ тракторонь витнеманть? — кевкстизь сынэ витницятнень.

— Косто курок, еще аняк ушодынек, — отвечасть тенст, — запасной частть главтракторсбытазь меке-бути тенек а кучи, секс а кашпатамо.

— Оно запасной частне, — невтсь од трактористэс В. Куршев ялгась уголе, косо ёртнезельть амаштовикс инструментт, машинань ташто частть, — аняк сынст эряви витнемс.

Мастерскоенть ванкшномсто од трактористнэ нейтсь ламо асатыкст. Вана слесаренть Лычов ялганть роботамо тарказо. Ставоно лангсто рудазонть хоть коймесэ ванькскавт.

Зярыя чинь ютазъ теде мейле, мартонь васень читнесэ, ульнесь производственной совещания, косо толковасть ВКП(б)-нь XVIII-це конференциянь решениянтень. Од трактористнэ виевстэ критиковизь неть асатыкстнень.

Совещаниясонть од трактористнэ максеть питней предложений инструментэнь ванетоманть коряс, производствань ваньксчинь ды порядоконь те-еманть коряс.

Неть предложенияне ютавотить эрямос. Пурназельть ды витнезельть машинань ташто частне. Теезельть од частть, кода, примеркс, кронштейн-динамо, винтиляторонь валик, импульсаторонь кожух ды лият. Те аволь аняк максеть 20 тыща целковой экономия, но и лездась шкасто прядомс тракторонь витнеманть. Трудонь сэрей производительность тракторонь витнемстэ невтеть трактористнэ Разгильдеев, Корнишин ды лия ялгатне, конат свал нормаст топавтнесть 150 проценте.

Од тракторнэ ней, тунда видема шкасто, седеяк пек бороцить трудонь сэрей производительность кис, ваньксчинь ды экономиянть кис.

П. Любаев.

Саранской р-н.

## ВИТЕЗЬ ИЛЬВЕДЬКС

Ютась иень ноябрь ковсто сон таго састь аэроклубонь начальнигенть кабинетс. Од цёранть эйсэ лепштилъ вискс, мокшнас сужорилъ суронзо ды бажилъ а неесм столь эхксэ аштиня начальнигенть пшти вановтонзо. Начальнигенть упректне теке мерят салмуксосо пельнестъ сонэ од, но уш пятныавтозъ совестенэ.

— А можот таго лиси истя, кода икеле: оргодят куретнэстэ. Дисциплинась, требовательность минек нейгак истят жо, кодат ульнестъ икеле.

Нетъ валтнэ марявсть приговорокс, кеместэ ды решительностэ. Но теке марто сынст эйсэ ули кодамо бути кемема сенень, што сон таго карми улема примазъ тонавтнемс.

— Авиациянтень кись аволь шождыне. Эряви изнямс весе стакатнень. Те жо веши ламо вий ды энергия, — таго мерсь начальнигесъ.

— Мои парсте арсия эсенъ поступканть. Энялдан кемемс валозон, начальниг ялгай, честь марто оправдаю тонь кемемат, — мерсь цёрась.

— Бути истя, сестэ арсия тетъ успехт!

Кортнемась прядовсь. Кавто кортницятне ялгакс ясть. Вейкесъ кадовсь кабинетэнтень, омбоцесъ мельс паросо лиссь ушов. Чамастонзо сон нарднзе ливезень а покш петявксинень ды кашпазъ тусь кудов, штобу эсь семиясонть ёвтнемс радостень.

— Авиациянтень кись аволь шождыне, эряви изнямс весе стакатнень, — колмокст-нилекстъ лецтнесь нетъ валтнень од цёрась.

Истя вана лисськак. Пакшин Дмитрий ютась иенть ушодовомсто примизь аэроклубс. Заявлянтнесь ульнесь аволь шождыне. Эрявсь вейке шкасто тонавтнемс кавто школасо. Алгебрань, химиянь, немецкой келень учебниктнень вельксэ аштезъ, лётной теветнь коряс книгатнень вельксэ аштезъ, сон ютавтнилъ цела суткат. Спортонь вечкицясь седе чуросто кармась яксеме физкультурной площадкав, малав овси эзь ойсекшне шахматной столь эхкс. Заявлянтнеде мейле лиясто арсилъ натой пучомс книгатнень ды вейсэ эсь ялгатнень марто чиёмс катоков, ваномс интересной фильма, или яксеме ушова, свежа коштка трудовой чиденть мейле.

Кода бути атак фатя сакшныльть

тензэ истят мельть: кадомс аэроклубонть. Сэтьме таркасо ськамонзо аштезъ вешнилъ сон эсь поступканть оправдания.

«Стака, а саты вием», — арсекшилъ сон. Дмитрий снартнесь кекшемс эсь прятнь содавикс пословицанть эхкс: «Вестъ аволдазъ а маштат кавто нумолот». Или кортнилъ, што берить сонэзэ условянзо. Но тенсэяк сонэнэ а кода ульнесь оправдасть аэроклубонть кадомаяк мелензэ. Дмитриенъ арасель кодомаяк нуждазо. Школаеояк, семиясоак сонэзэ ульнестъ весе условянзо, возможностензэ, штобу тонавтнемс, исследовать, кармамс содамо весе сенъ, мезе уш од. Яла теке Пакшин эзь карма яксеме аэроклубов занятиянтень. Ней сонэзэ ульнесь седе ламо ютко шкazo, но сонэзэ кармась лепштямо кодамо бути духовной сталмо. Дмитрий лоткась школасо тонавтнемань коряс ялганзо вастнемадо, конатнень марто икеле сон тонавтнесь аэроклубсо. Но сон сеетъстэ кармась арсекшнемс седе, што истя шождынестэ отнесся лётной теветнэ эсь увлечениянтень.

Дмитрий куроксто чарькодсь, што тейсь ильведькс, но ульнесь уш позда. Аэроклубсо тензэ мерсь — учок од набор, а тосо ванькснек...

Пакшин ней таго аэроклубонь курсант. Зярдэ минь кевкстине, кить сех вадра курсантнэ, миненек ёвтызъ сонэзэ лемезэ.

— Сон карми улема вадра летчик, — корты учебно-лётной отделень начальнигесъ старшей лейтенантосъ Теселкин ялгась. — Аволь умонь зачетнень сон макснзе отлично. Теде башка, Пакшин вадра физкультурник, паро организатор. Дмитриенъ улитъ оборонной ниле значоконзо, получась нилеце разряд гимнастикань коряс. Тедиде сон карми праздновамо эсь совершеннолетиянзо. Арась покш зыян сенъ эйстэ, што нюрька эрямонзо перть Дмитрий вестъ кода бути тейнесь досадной ильведькс, но сон чарькодизе сонэзэ ды эсь шкасто витизе.

Ней Пакшин аноксты кавто пек серьезной экзаменс. Ковонь ютазъ сон прядсы десятилетканть. Еще седеяк икеле ушодовить ливтнематне. Кавонест школатнесэ сонэзэ результатонзо вадрят.

И. Пяткин.



Спортосъ — те аволь праздной занятия, но серьезной школа, кона воспитывает ломаньсэнь выносливость, неустранимость. Нетъ качества не пек эривить минек родинань эрва гражданинэнтень, штобу сон мог парсте топавтомо эсензэ почетной обязанностензэ — улемс социалистической отчизнань достойной ванстыцакс.

Мордовиянь комсомолосъ, кода и Советской Союзонь весе комсомолецнэ, васты Маень 1-це чинть спортивной роботань а берянь результат марто Минек республикань комсомолецнэ добовасть покш достижения лыжной кроссонть ды гимнастической соревнованинтень ютавтома-сост.

Мордовиянтъ келес лыжной кроссонть примастъ участия 31 тыщадо ламо од ломань. Максизь ГТО-нь ды БГТО-нь коряс лыжной ды пешей норматнень малав 25 тыща од ломань. Лыжной спортосъ кармась улема минек од ломатнень сех вечкевикс занятиякс.

Аволь умок прядовозъ гимнастической соревнованинтнесь примастъ участия 41.568 ломань: 32.850 комсомолец ды 8.718 аволь союзной од ломань. Гимнастической норматнень максизь 39.742 ломань.

Июненъ 1-це чинть эйсэ саезь 16-це чинть самс кармить улема ютавтозъ массовой кросст, конат посвященной большевистской печатень Чинтень. Эряви нейке жо кармамс нетъ кросстинь ютавтоманть анокстамо.

Комсомолец ялгат! Лиседе паксянь ки лангс, парконь аллеятнес, вирень полянатнес! Тренируйтесь истя, штобу кросстнэсэ саемс васень тарканть!

## Лабышовкань кис боевь

ВКП(б)-нь Кадомской райкомсо, военной отделень заведующеентъ Бусаров ялганть кабинетсэ пурнавь оборонань ветицятнень штабосъ: комбатосъ Камышев, политчастьнень коряс батальононь командирэнтъ заместителезэ райОСО-нь председателесъ Давыдов ялгась ды лия роботникть.

Весе арсилть вейке вопросонь коряс: кодаяк атак учо «противникесъ» тандады берянь погоданть эйстэ ды тедеведе а сырги наступленияс...

Оборонань ветицятнень штабонть решениязо кеме — ютавтомо военно-тактической налксеманть коть кодамо условиясо. Те решениянтъ кис ульнестъ Б.Полянка велень, Кадомкина поселкань, Кар.-Майданонь, Усыкина велень, Потиж-Слобода ды Латышевка велень командатне, конат анокт туемс «бойс».

Весе содыть приказдонть. Ветъ 20.00 чассто кармамс наступать Латышевкангс ды саемс оборонительной рубежт.

Решили телефон вельде скулмавомс «противникенть» марто.

Инсарето отвечасть, энялдсть ёвтамс штабонтень, што кармить наступать мезеяк лангс атак вано, коть кодамо погодане, аравтозъ шкастонть.

— Значит а манясамизь, — мерсь комбатосъ Камышев ялгась ды максеть распоряжения проверямс эсь командатнень ды группатнень боевой анокчист. Васенце ротань командирэсъ Хайров ялгась (Нариманов лемсэ колхозостовъ) эсь ротань весе боецтнэнтень явшесъ эрявикс оружия, винтовкат, пулеметт ды саперной кшнинь коймтв. Политчастьнень коряс батальононь командирэнтъ заместителезэ Давыдов ялгась аноктасть «боевой листоконь» нолдтнеманть организовамо. ВКП(б)-нь райкомсо военной отделень заведующеесъ Бусаров ялгась пурнавь «колмоце разрядонь» обоз кши, бутерброд ды ведр марто.

Оборонань ветицятнень батальонсонть лововильть 420 осовахиимовецт.

20 чассто 00 минутасто батальоносъ сыргась ды 21 чассто 30 минутасто пачкодсь уш Латышевкав. Боецтнень ульнесь еще шкаст ды клубсо сынъ кунсолостъ доклад стратосферань завоеванияндонть.

Собранияндонть мейле командиртнэ кортнестъ боецтнэнь марто, аравтеть сынст икелев задачат, ёвтызъ участкатнень, конатнень сынст эряви ванстомс.

\*\*\*

22 чассто наступлениянь ветицят-

нень штабонтень (Инсарской район) састъ группат ды командат Инсарето, Н.-Вязерстэ, Вазеевкasto, Кр.-Шадымстэ. Желябов лемсэ совхозонь осовахиимовецтнэ пурнавь конной разведчикень взвод. Наступлениянь ветицятнень эйстэ весемезэ ульнестъ 772 ломань.

Батальононь командирэсъ Горбич ялгась ды политчастьнень коряс сонэзэ заместителесъ Афанасьев ялгась ёвтнестъ эсь командиртнэнтень ды политроботниктнэнтень наступлениянь пландонть ды седе, кода эряви ветае политмасовой робота.

Политаппаратосъ организовазъ беседат международной положенияндонть ды XVIII-це партконференциянь решениянтнеде.

Редактортнэ аноктасть нолдамс боевой листокт.

1-це чассто командованиясь максеть распоряжения: аноктаме наступленияс, проверямс кеме ли обмундированиясь, сехте пек карсемапелесъ, ванкшномс оружиянтъ. Подразделениянь командиртнэ ёвтызъ эсест боецтнэнтень икелест аравтозъ задачатнень.

2-це чассто ульнесь-максозъ приказ наступлениядо...

Ашолгадамо малав обороняющейс батальононь командирэнтень разведкась

доложил «противникентень».

Куроксто весе боецтнэ неизъ, кода обед ёндо Латышевкав молема кинть ланга ардозъ ютась конной разведка, а паксяванть кармась наступать васенце омбоце ды колмоце ротатне.

Конной разведканть пиризь 1-це ротань боецтнэ, конань эйсэ командовасъ Хайров ялгась. Разведкась ульнесь целанек тапазъ, эзь кенере эсензэ задачанзо топавтомо. Батальононь командирэс истяк и эзь сода косо ульнесь обороняющейс «противникесъ».

Ульнестъ серьезной ильведьксэст оборонасо аштицятненьгак. 2-це ротась, кона аштесъ Латышевка веленть маласо возвышенностентъ обед ёнксонть, сенъ таркас, штобу «противникенть» нолдаме седе малав, нолдаме тевс весе эсест преимуществ, спокойной ды меткой толсо истожамс сонзэ, тусь контратакас численно превосходящей наступающей «противникенть» лангс. Ротась ульнесь «чавозъ».

Бойдентъ мейле теезель учениянтень разбор. Тешкстазель, што ильведьксэнтэ ды асатыкстнэ ульнестъ кавонест ёнкстнень. Эзъ сатно оружиясь ды материальной частесъ, арасельть ракетат ды дымовой шашкат.

Покш сплоченность, вадра дисциплинированность невтсь васенце ротась — Б.Полянка велень осовахиимовецтнэ. Наступающей батальоносъ обороняющейтнень коряс невтсь седе ламо организованность ды тенсэ самай лиссь изницакс.

П. Никулин.





## СЧАСТЬЯНЬ МАСТОРСО

Минек масторсо од ломаненть икеле зярдо а ети истямо кевкстема: кода муемс робота те или тона учебной заведениянь прядомадо мейле? Свал эрси мекевланк—мезекс улемс.

Минек масторось истямо покш ды истя ламо эйсэнь профессият, што те кевкстемась неслучайной.

Од ломанентень, кона школань прядомадо мейле васенцеде карми самостоятельна эрямо, профессиянь кочкамо аволь шождыне тев. Седеяк пек Советской Союзсо, косо арась вейкеяк берянь профессия, косо весе профессиятне эрявикст ды благороднойт. СССР-сэ эрва профессиясь, бути сон кочказь вейкезь, максы покшток покш лезе коммунизмань строямонть ды сонзэ а кадсыз атак тешкста партиясь ды правительствась.

Вана од ломань, примеркс, Павлов, кона прядсь средней школа ды эрси кочкамс эстензэ профессия. Мезекс улемс? Летчикекс—бути мелеть, ульть, врачокс—а берянь. учителкес—тожо вадра, трактористекс—ульть трактористекс, Якстере Армиянь командирекс—ён тевесь... Мезекс бу аволь арсе улемс минек масторсо од ломанесь—сонензэ эрва косо панжозь кенкштне, ды сон эрва шкасто топавтсы эсензэ мелензэ, бажамонзо. Мезекс бу сон аволь робота, пед-пес ули обеспечен ды зярдо а сави арсемс вандыненъ куска кшиде.

Мердяно, што сон учитель. Роботы парсте, честна, паро общественник, сонзэ весе вейкемсы. Прядызе роботанзо, сась кудов. Сонзэ паро библиотеказо. Сайсь книга, кармась ловномо. Бути мелезэ, чокшне сон моли кино, театрав. Паро роботадонть мейле сонзэ ульть весе праванзо ютавтомскulturна ютко шканть.

Минек счастливой масторсонок честна ды парсте роботыца од ломанень ульть весе условият, штобу эрямс парсте, культурна, счастливойстэ.

А. Рогожин.

### Сядо процентэнь успеваемость кис

Вадрясто аноксты Маень 1-це чинтень Саранск ошонь педучилищань художественной самостоятельности коллективесь. Драмкружокс аноксты пучоме «С теплым ветром» пьеса. Хорошой кружоконь члентне анокстыть од морот. Физкультурной отделениянь тонавтицятне Маень чинтестэ выступят эрва кодамо спортивной номер марто.

И. Николаев.

## Заслуженной артист

Веселасто ютнест чокшнетне Кемлянской сельскохозяйственной техникумонть. Тесэ эрва чистэ кодамоак ды самостоятельной кружок нейти эсензэ од номер. Од ломатне дружнасто мольт неть кружоктнес.

Колгановонь весемеде пек интересовал драматической кружоконть робота. Эз нолтне вейкеяк постановка ды чистэ сакшнось репетицияс, хоть сонсь а налксыл пьесасонть кодамоак роль. Пачк вансь «артистнень» роботаст лангс ды квартирав самодо мейле кармил репетировано мельзэнзэ туезь роленть. Зярдо жо молил постановка, сон эрил истямо жо эрямосо, кода сцена лангсотне, хоть аштил озадо зрительтнень ютксо, кенчил артистнень эрва успехест кис ды мик сёргедевил, зярдо неил кодамоак асатыкс.

Налксемс техникумонь сцена лангсо сонензэ савкшнось чуросто, секс што весе рольтнень занылиз седе старшей классонь студентнэ, ды максыльтензэ роль ансяк сестэ, зярдо пьесанть коряс эряволь цёракань ролень налксыця. Истят рольтне жо, прок нарошной, понгонилть чуросто ды сонензэ аламо иетнень коряс кадоволь ансяк ваномс ялгатнень налксемаст лангс...

Но овси лия тевесь ульнесь эсензэ



СНИМКАСОНТЬ: Саранск ошонь 16-це № эйкакшонь садсочть.

Фотось К. Касперэнь.

## ИКЕЛЕПЕЛЕНЬ ЛЕТЧИК

Роботань коряс ялгатне сеетстэ кортвить Дунаев Дмитрийнень:

— Счастливы ты, Митя. Умк ли ты сыть электроводов пелица пакши-некс, сестэ тонеть а кемильть мик сехте простой тев. А ней вана, пейк эзэ юта, ты уш мастерэнь помощник.

Тетясь ды авась мельспаросот цёраст успехензэ кис. Но зярдо Дмитрий ёвтнекшни тест эсь профессиянт тайнатнеде, аванзо чамасто ёматокшны весела мыздомась.

— 6.600 вольт—вана мезе те высоковольтной сетесь. Кода ансяк теят натои сех вишкине неосторожность, сеске тееват куловокс.

— А ты кадык те тевенть. Арази можна роботама истямо опасностень пингстэ,—седей марязь кортнил авазо.

Но Митя таго кармил сонзэ лаце-ме-оймавнемс. Ёвтиль седе, кода парсте содасы сон эсь тевензэ, секс пелемсака а мейсь. Тейнил шуткат, теке мерят бажил вишкалгавтомс электрической токонтэ виензэ.

1939 иестэ Дмитрий мольтс роботам электроводов. Сонзэ примизь ученикекс. Цёрынес ульнесь пытливой, любознательной. Зяро бути конов ютазь сон уш смелстэ ды ливчаниясто кузиль телефононь столбатнева, вейсэндявтиль проводтнень, ютавтиль од линият. Вана уш иеде ламо шкань перть сон роботы высоковольтной сетень мастерэнь помощникекс.

Дунаевтнень кудосо сеетстэ пелеведе мейлес палы электрической валдо тол. Дмитрий ашти книга велькесэ, тонавти лётной тевенть. Сон ней аэроклубонь курсант, тонавнемань коряс оценканзо парт: тесэяк сонзэ тевензэ молить.

— Курок карматано ливтнемс,—мельспаросо ёвтни Дмитрий.—Сёксия карман призываться Якстере Армияв ды монь од специальностесь тосо карми эрявомо.

П. Ильин.

Саранск.



Мордовской АССР-нь заслуженной артистэсь С. И. Колганов Павел Грековонь рольсэ.

совой сценатнесэ лиснесэ нищейке, мешанинэкс. Эрва артистэсь покш мельсэ учось эсензэ коряс московской артистнень мелест. Зярдо прядовсь постановкась, коллективесь цунавсь директоронть кабинетс. Художественной театрань артистнэ шнызь кой-кона артистнэ, а умонь драмкружковецнень роботаст ды весемеде пек Колгановонь. Седе мейле театрань руководствась кармась макснемс Колгановнень главной рольт, а 1936 иестэ покш успех марто налксызе Гоголень «Ревизор» пьесасонть Хлестаковонь роленть.

— Но весе рольтнень эйстэ сехте ответственнойкс, конань налксинь

## ИСТЯ СОН ЭРЯСЬ ДЫ КУЛОСЬ

Лондононь окраина. Сон аволь истямо, кодамо те покш ошонтэ центразо. Тесэ арась дворецт, особнякт, театрат ды парк, кода главной ульятнесь ды площадтнесэ. Окраинасонть: фабрикань ды складонь неуклюжей корпус ды кудот-трущобат, конатнесэ эрять робочейть. Вейке беряшке, лондадозь кудынесэ эрясь Томас Бернесонь бедной, вачодо семьязо. Сонсь Томас Бернес роботась кодамо бути фабрикасо. А цёразо Мюнцер тонавтнесь.

Аламо получил Томас Бернес. Асатыльть ярмактне, штобу андомс, оршамс ды карсемс эсь вишкине семиянт. Весе, кодамо ульнесь лишной ули-парост, весе нула-валаст микшилиз. Ней уш миемсака а мезе. Семиянтень сеетстэ савкшнось аштекшнемс кшивтне. Сывелень танстенть жо умк уш стувтызь... Тетясь ды авась жалить эсест цёранть. Арсильть пачтемс сонзэ тевс, штобу сон тонавтнемадо мейле лисевель ломанькс.

Зярдо Мюнцер сакшныль школав, сон свал марсил пеелемат. Сюпавонь парсте оршазь ды карсезь, пешкесе пеке цёратне пеелезь ваныльть сонзэ лангс, а кортнить мартонзо, наргильть, покордыльть пельс штапо, пельс кепе, тоштя и свал вачодо Мюнцерэнь.

Но вана атак учо тевесь несчастья. Тетянзо панизь роботасто. Мюнцернэнь савсь кадомс тонавтнеманть. Сон эсь кондымо ялгатне марто кармась эрва чистэ яксеме «счастьянь» — кодамоак роботань вешнемс. Мюнцер уш покш. Сон мог бу сиведемс прынзо куш кодамо, сехте стака роботас. Ансяк косто сонзэ мусак — роботанть. Ведь истятнеде, кодамо сон, Лондононь окраинатнесэ пек ламо ды эрвась вешни эстензэ тев.

А кувать Мюнцернэнь савсь вешнекшнемс счастья. Куроксто сонзэ саизь службав.

Ютась аволь пек ламо шка ды Мюнцер панезель фронтов. Ды аволь умк сонзэ тетянстэнь аванстэнь сась сёрма Мюнцерэнь ялганзо пельде. Нюркине сёрминесэнь ялгась пачтась куля седе, што сынст цёраст Мюнцер маштозь вейке пек виев бойсэ.

Истя вана эрясь ды кулось бедной робочеень цёрась Мюнцер.

мон,—корты Колганов ялгась,—лован Павел Грековонь роленть. Штобу нектес кристально ванькс большевик, конань лангс кенгелест народонь врагтне, кона весе эсь виензэ максы народонтэ туртов счастливой эрямонть строямонзо кис,—эрявь парсте содамс партийной роботанть. Мон ламокот кортнинь партиянь обкомонь работниктне ды сыре большевик марто, конат и лездасть монень невтемс алкуксонь большевиконь образ.

Колганов ялгась покш успех марто налксинзе истяжо «Чапаевтэ» Петкань роленть, «Славасто» — Мотыльковонь ды ламо лият. Ды эрва од пьесасонть неяви артистэньт касомазо, эсензэ лангсо серьёзной роботамозо.

Театральной искусствань развитиянь областэсэнь плодотворной роботанть кис 1939 иестэ Колганов ялгась награждён МАСР-нь Верховной Советэнь грамотасо ды ярмакс, 1940 иестэнь жо присвоен тензэ Мордовской АССР-нь заслуженной артистэнь лем.

Те покш награданть Колганов ялгась оправдывает культурань фронтсо добросовестной ды плодотворной роботасо.

— Монь плансо ней ашти се,—корты Колганов ялгась,—овладеть западно-европейской драматургиясонть ды невтемс Маяковскоень образонзо.

А. Сергеев.





# Таркасонь станес

(ЕВТНЕМА)

Лёша Тенягин, Кленов Максимень звенасонть плугаресь-комсомолецсь, прыдызе ловноманть ды варштась колхозниктень лангс.

Сон чатымонсь, весе лиятне учость, кода таго карми икельгаст ютамо Гремячей Логонь эрямось, се эрямось, ко-на весеменень истя малавикс ды сода-викс.

— А мезе седе тов?—кевкстизе кие бути.

— Седе тов вана сёрмадозь: «Васене-це книганть пезэ»—ды невтизе меель-це, ансяк ловнозь страничанть.

— Те вана уш аволь вадра, сехте интересной таркасонть весе сезевсь, тейсь пе...

— Мезе жо ней сынн, неть нулгодь-ктнэ, Лятевскоесь ды Половцеве-теить колхозонть марто?—кевксни Мак-сим.—Стала быть таго коламо-калато-мо кармить, таго вредить?

— Тень мейле нейсынек. Авторось сёрмады омбоце книга тень кувалт.

Колхозниктне мельс лещилить сень, мезе ловнозель «Поднятая целина» романстонть.

А книгась истя апак учо сезевсь мезде бути ламодо кортыця колмо вал-со: «Таштошь ушодовсь одс». Одов ядо-витой гуесь лисиль эсь норастонзо...

Кувать яла кортнесть ломатне сень кувалт, мезе сёрмадозель романсонть.

— Бути зярдэ кармат таго ловномо, тон, Лёшка, икеле уш ёвтак, што книгась прыдови, а ней мезе, эзить ёвтаяк ды вана апак учо пе кармась улеме,—кортасть Максим Кленов.—Да... шкаськак вана уш пелеве, а минь яла басытанэ. А ванды истямо покш чи... Ды а кода а кортамскак, бути уш витьстэ меремс, те книгась токинзе минек, атятнень седеенек.

— Да, таго кортазевсь Кленов.—Но тонеть те—история. А вот вана минь минсь истямо историйо ульнинек. Зярдэ колхозонть строямо карминек, тон сестэ тарад лангс ласте ардтнелить. Колхозсонть жо сестэ эрва ментевть ульнесть: то ломатне совить, то мекев лисить. Народонтень од тев ульнесть те—колхознэ. Ней вана весе чарькод-тано, кода большевиктне минек кис старались. А минь сестэ эсь койсэ ар-синек. Секс тевтнеяк сестэ лият уль-несть. Тон вана нейсак монь судом лангсто щербинанть? Те истя тонь ават монь сестэ мазылгавтымим, пек сон монь скиримим. Арась, келя, мелем со-ваис колхозс!—пизниль сон. А мон сех икеле совакшнынь. Ну, и сон каявсь монь лангс...

— Ды мезь уш, Максимич, сыре прысо лещнемс сень, мезесь ульнесть умок ды мон уш весе стувтыяк сень, а тон яла лещнят,—марявсь вайгель каштом икельде. Те кортасть Алексеень авазо, бригадной поварось. Малеви-де бу, седе вадра улевель, а то монень мешатадо праздниконтень анокстамс.

— Ведгемень иесэ ламо можна лещ-немс, Васильевна, мельс ледни бабам-гак, конань куломас пачтизь бояронь кардсо чавозь. Тетямгак, кона кулось косо бути Сибирьсэ. Вешнесь сон ча-сия, мусь жо эстензэ тосто калмо.

Кудосонть кармась улеме сатьме. Максимень вальтнэ стакасто лещпятасть ломатнень эйсэ. Тенягин Лёшанень а содавильгак Максим атя: ёматотсь сон-зэ весела вановтозо, чамазо теевсь жо-дамо бути кежевеке.

Лёшка вансь-вансь ды, мезень бути лещпязь, пейдезевсь:

— Максим лелай, бути тонь неевдин-

зеть ней Некрасов, сон меревель бу: «Уш тон пек кежеват, кода мон ван-са!»

Кудонтъ келес каятотсь ракамо. Лёш-кань вальтнэ пугтсь пе стака чатымо-немантень.

Пейдезевсь Максимгак, ансяк мезеяк сон эзь ёвта ды састо лиссь кудос-тонть. Сон сонськак арсесь сравнемс ютась шкань лещнематнень.

Сатьме варминесь эсь мартонзо кандсь летьке модань ды соказы чер-ноземонь чине. Исяк Максим якась озим паксав ды мельспаросо кувать вансь озимень пиже парсеенть лангс.

Максим аштесь ды свежа вармась теке-мерят ведьсэ лоськавтнесь эйсэ-нэ. «А Лёшка цёрась молодец! Парсте сон ёвтынзе монь кувалт Некрасовонь вальтнэнь... Роботасояк цёрась пси»—арсесь сон мекев самсто.

Кудосонть весе уш удилить.

Максим састо ютась эсензэ койкан-тень, пельсь, кода бу а сырго-стис удичпнтнень. Молись, кайсесь сон ды мадсь. Кувать аштесь сельмень апак коня, арсесь вандын чиденть, се-де, мезе эряви тееме, штобу виде-м колхозной моданть седе куроксто ды парсте. «Вадра минек колхозной мо-дась!»—мызолдозь эськанзо арсесь сон. Мейле кода бути икелензэ появась Пет-ляков помещикесь, конань кедьсэ сон ламо иень перть роботакшнось. А Пет-ляков сельмухшонзо пачк кежейстэ ва-ныль эсензэ икелень роботникенть лангс.

Максим неиль он.

Веть оймсемадонть мейле алашатне якылить вадрасто. Те кенаргавтниль

арась вейкеяк межа, а тон мень бути рубежде кортат.

— Ульнесть рубеж, икелень рубеж тесэ! Те таркасонть давай седе састо.

Ташто рубеж! Сонензэ ли, Максим-нень, а содамс те тарканть. Вана тес-тэ, виренть ёнов, моли Семивражьесь—сисем томка латкт, конат теевсь крестьянской моданть лангс. Тесэ уль-некшнесть наделт, конатнесэ эрсилить ансяк кевть, сюрэ жо а касыл. Мо-данть лангс удобрения а ускылить, сон-зэ соксылить ды сон седеяк беряньга-дыль.

Рубеж! Те сон Семивражьенть явилъ помещикень моданть эйстэ, ды поме-щикень модась кшнинь кольцясо леп-штиль весе веленть. Аштесь рубежесъ пингиде-пингень целинакс ды неавиль, што сон а тапави киненьгак.

А ней, сон, седе мейле, кода тапавь великой вийсэ, ашти кодамо-бути апак пичка шрамoke.


Максим лоткавтынзе алашатнень, эряви витнемс сеялканть. «Мекс жо Лёшка а неави? Те сон истя маняса-мам, виде-м а козонь ули...»

Кинть ланга ардыль автомашина. Вана сон лоткась. Максим ашти. Мала-зонзо сась сельмухшо ломань, кежей-стэ варштась ды раксезь-пеелезь корты:

— Тон кият, милостидарь? Мон тонь кевкстиян, достопоchtenной...

Максим пштитэ ваны сазь лoma-ненть лангс: «Ванта, сон моли Полов-цевень ёнов... Истямо жо, кодамо тип невтезь «Поднятой целинасонть», ко-нань Лёшка ловнызе...»

— Некак Максим... Максим Кленов?



сонзэ, Максимень. Исяк Лёшка Теня-гин вейсэ ялганзо марто культивировал 8 гектарт зябь, а вана сеялкась мо-лиль мекс бути беряньстэ, дисктне а истя молиль, ды Максим кадызе гек-таронтэ апак виде. Мейле Лёшка тензэ пейдезь кортасть:

— Сон чарьковедияк, Максим лелай... Бути тонь иетнень пелешкаст ёртомс, сестэ тон невтевик бу монень, кода эряви роботамс...

Свежа валике. Ульнесть виев роса. Карми улеме вадра чи, те максильвий, кепедиль мель... Арась, Максим течи а арси кадовомс лиятнень эйстэ... Ней, кода сонсь арсиль, тензэ роботамс ды роботамс! Сон паксавгак лиссь сех икеле. Ансяк вана дисктне колыльть тебензэ... Сынъ томкасто пезныльть мо-дантень. Мезе бути чикоргадсь перед-катнесэ.

— Аштек, Николай, аштек!—серь-гедсь Максим.—Нать а неят: рубеж?

Николка Фролов лоткавтынзе ала-шатнень ды дивазь варштасть види-чанть лангс.

— Кодамо рубеж? Виренть эйстэ саезь веленть видсь минек паксасонть

— мерсь сельмухшось мартонзо сазь кавто ломатненень.—Мон сонзэ, госпо-да, пилензэ коряс содыя. Нейсынек—пилезэ левшекс тапавь. Те таркасонть, косо ней минь аштитано тынк марто, бути эзинк стувто, те Максиментень эзть кирдеве алашатне, зярдэ минь ардылинек тыненк Катасовав ды... ды, нюркине-стэ мерезь, кие бути минек эйстэ сонзэ цёхадизе плёткасо... Эзинк стувто?

Максим потазевсь: сонзэ икеле уль-несть Петляков ды маласо веленть—Катасовкань помещиктне. «Косто сынъ, нулгодьктнэ, появасть?... Косто, ко-да?—арсезевсь Максим.—Лёшкак ко-зонь бути ёматотсь...»

Ульнесть маней валике. А Максимнень марявилъ, буто сон роботыль уш цела-чи: кеместэ теевсь кедень мускуланзо, турванзо коськсть. Варштась сеялканть лангс ды кармась тозонь видмөнъ кай-семе. «Шайтят,—арсесь сон,—тынк ку-валт истяк аштян...»

— Арсян тонь кевкстемс,—корта-зевсь таго Петляков,—мезь тон тейнят?

— Чапакс ичан!—кежейстэ мерсь Максим.

— О, тон, кода неави, шутникат! Кинь алашасо ней роботат?

— Эсень алашасо.

— Эсесь? Ламо ли тонь алашат, монь батрак?

— Сядо комськолмово, вашотнеде-башка. Истянь, кода ведь тон... Пет-ляков, истянь, зярдэ тонь арасельть, кода мон батракокс кедьсэть ульнинь!

— Ха—ха—ха!—раказевсь Пет-ляков.—Сеялкаськак тонь?

— Да, минек, колхозной!

— Паряк модаськак тынк?

— Минек! Колхозной!

— Те вана?

— Да, те!

— А тон, господин Кленов, эзия-стувто рубеженть.

— Кода сонзэ стувтаск... Течи ала-модо эзинек кола тесэ дисктнень. Ни-кола а содылизе те рубеженть ды ва-на сонзэ кувалт самай истя лиснесь-как. Николка од, сон а содасы, мезе икеле тесэ ульнесть, а мон эзия стув-то. Повняса, гос-по-дин Петляков, пов-няса! Весе минь повнясынек, кода те рубеженть омбоце ёно кевтнень ланга соксиленик, майсиленик.

Максимень вайгелезэ яла седеяк покшолгадыль. Сон чавиль валсо, ко-да зярдэ бути те таркасонть локшосо чавиль сонзэ, Максимень, те помещикесь.

— Хамт!—рангтась Петляков.—Те монь модась, мо-онь! Тыненк жо... тынк, кевтнень сокамо таго тыне пан-тядызь!...

Максим пейдезевсь:

— Сетне кевтне ней уш арась... Одкстомтынек минь се моданть, эсь койсэ, по-колхозному ды ней сюрояк сонзэ лангс парсте чачокшны. Но ва-на мон тонеть невтин эсь кевть!

Максим комавтызе прынзо, мокшнанзо сюрордазь каявсь Петляковонь лангс.

— Тетяй!—сергедсь косто бути по-явась ломань.—Минь кундынек сень, кие минек кудонтъ прыс теште арав-токшнось.

Максим варштасть ды соракадсь сонзэ седеезэ: те кундызь Лёшкань. Сонзэ кедензэ пурдызь удалов, тапавь тур-вастонзо чудесь верь.

Максим кеместэ сюрордызе локшо-неденть. Ды тесэ лиссь се, мезенть кияк эзь учне. Николка Фролов кир-нявтсь сеялканть вакссто, прысонзо пекс эшкизе ломаненть, кона кирдсь Лёшкань эйсэ. Те ломанесь метялкот ёртовсь моданть лангс.

Цёратне—Николка ды Лёшка—тусть-чиезь.

— Латкованть, латкованть, вирен-тень!—сеересь тест Максим.

Кие бути салава сась удалдо ды лощтизе Максимень. Покш середькс кармась марявомо пулакшонть. Мезе бути раужо сыль сельтнень икелев. Максим, певтеме латкос сяворезь, ме-резевсь: «Лёша!.. Лёша идисамам!..»

А Лёшка аштесь маласонзо ды ра-кась. Максим овси сыргойсь ды стясь таркастонзо.

Лёша, вечкевикс Лёша!..

Апак учо Максим сонзэ кутмордызе ды пейстэ палызе.

— Чудесат!—мерезевсь Лёша.—Мон эйсэнзэ стявтынъ, сон жо м Урнесть ды пейсэвзэ удомань пачк чикордсь. Савсь патефононтъ нолдамс, штобу седе курок сыргозевель. А ней вана палси...

Максим кармась ёвтнеме эсензэ ононтъ

Дм. ХРАМКОВ.

Ответ. редакторось А. ЩЕГЛОВ.